

مؤسسی : ابن السری
مصطفی نامق

مدیری : ابن السری
احمد جودت

آشیان

ادبی ، علمی ، سیاسی ، اجتماعی ، فنی ، اخلاقی هفتہ لک مجموعہ در

پنجشنبہ

برنجی جلد

نومرو ۷

برنجی سنہ

۲۶ رمضان ۱۳۲۶

۹ تشرین اول ۱۳۲۴

استانبول

محل ادارہ سی : جفال اوغلانده دائرہ مخصوصہ

مطبعہ عامرہ

۱۳۲۴



قانونلری کشف ایتیش ؛ نهایت ، چونکه : بوتون بونلردن جاذبهٔ عمومییه قانونی استخراج ایتشدر .

والحاصل نظریات و تطبیقات ابتدا ترقیات فکریه متناوباً راهبر اوله رقی و صوکره یکدیگرینه معاونت ایدرک ، حقایق و نظریات تطبیقاته احساس مانع ر لایه رقی ، تطبیقات و منفعت نظریاتی تشویق و تسهیل ایدرک ایلرله مش ، بوحیر ترقیاته نائل اولمشدر . ترقیات اخیریه علومک حس منفعتدن مجرد ایدرک غایهٔ حقیقته حرکت ایتسی ، نظریات و تطبیقاتک بر برندن آیری ، فقط بر برینه معاون اوله رقی ایلرله می سایه سننده قابل اولمشدر . و بوترقیاتک دوامی ده آنجق بوصورتله علمک « علم ایچون » « حقیقت ایچون » اولماسیله قابل اولابیلیر . چوق دفعه تکرار اولندیخی وجهله : علوم ، نافع اوله بیلک ایچون منفعتپرست اولمالیدر .

ساطع



« اولومدن صوکره »

مؤلفی

حکمای روحیوندن

لرئوره دهلی

مترجمی

زراعت بانکه سی دوسییه مأموری

ضلیل

افادهٔ مخصوصه

عصر اخیرده علوم طبیعییه و فلسفییه ترقیاتی اوروپاده سرآمدان علمایی مادیون و روحیون عنوانلریله ایکی بویوک فرقه یه آیرمشدر . باشده (دارونه) اولدینی حالده مسلك مادیون ، عقیدهٔ تثابیه مستند الوهیت شخصییه و رهبانیتی انکاره منحصردرکه بونلره کوره ؛ عمان بی پایان اثیردن ظهور ایدن تموجات حیاتییه قانون تکمیلک میخانیککی بر تعاملی اولمغله هر ذره ده موجود و ماده ایله قوتک امتزاجییه وحدتده نهان اولان قوهٔ خاقیه موجودانک عینی اولق لازمکله جکینی ، آهنگ طبیعت خارجنده وجوب الوهیت مکان تصورینی استلزام ایتدیکی جهتله ممتنع بواندینی بیاندن عبارتدر .

بومسلكك معترضى اولان روحيون ايسه ، تثبيت ورهبانيقى رد خصوصنده ماديونله متفق اولمغله برابر صوك زمانلرده اله چكن خطوط قديمه محتوياتك دلائيله اديان مختلفه نك اساس و حقيقتلرى وحدانيته مستند ورهبانيقن قطعياً عارى ايكن مرور دهور و منافع شخصيه سوقيله كونا كون تحريفاته اوغرامش اولديغنى بحق اثبات ايدرك ماديونك وحدت نظريه سنده مندمج الحاده قارشى ، سلسله مخلوقاتده مشهود باصره حيرت اولان اعجاز؛ مجرد ماده وقوتك خواص ذاتيه سندن نشأت ايتيوب حوصله ادراك بشرك احاطه دن قاصر قالدېنى قدرت بالغه سمدانيه نك اثر بديع اليبانى اولديغنى بالاتيان زبده كائنات اولان موجوديت بشريه نك حيات ابدى و كالات سرمدى يه مظهر يتله ممتاز اولمى حسيله غيرفانى و بناء عليه نيك و بد افعالنندن مسئؤل بولنديغنى اثبات صددنده مانا نيزم ، اينوتيزم تطبيقيله استحضار ارواح حادثاننى نشر ياتلرينه برهان مصون الاندراست عد ايتكله فرقه مخالفه يي بر درجه يه قدر اسكاته موفق اولمشلردر .

في الحقيقة بوكي آثار ، بالمقاييسه نظره امعانه الندقه ماديونك صوك سؤاله جواب ويرمكدن اظهار عجز ايتديكى و فرقه ديكر ك نشر ياتنده كى قيمت فنيه و منطقيه ايله برابر تصفيه اخلاق خصوصنده انسانيته پك بويوك خدمته بولنديغنى كورلمكده در .

اچمزه نقصانى معلومات و محكمه ليله برابر مانز ياليسست كورونمكى بر مذبذبت مخصوصه عد ايدن بعض ذواته تصادم بنى آوروپاده پك زياده رغبت كورن علمى روحيوندن (له نون ده نيس) ك « اولومدن صكره » عنوانلى اثرينى بعض زواندنن بالتجريد اسانمزه ترجمه سوق ايتدى ، بو اثر نه قدر مكمل و اخلاقى اولسه دخی ، بدرقه فوز و نجاتم اولان حقائق عاليه قرآنيه يه نظراً پك ناقص و عنديدر .

(مقدمه)

قوم و طاش كفنلره بورونوب خاك ايله يكسان اولان ماضيك بلاد مشهوره سنك ، قارطاجه نك و سبيلاده كى يونان قديم شهرلر ليله روما قريه لر ينك قيريق دو كوك صوبندلرى ، آحيق لخدلري ، امواته مخصوص مغاره لر ليله يكرمى عصر دنبرى

وهزو وولقسانك رمادی آلتنده خواب ابدیه یاتمش اولدقلرینی چشم حیرتله
کورددم. وقتيله انسان یوواسی اولان بلاد قدیمه بقایاسنك بوکون قسوت انکیز
برحالد شوق کونشنك ضیای حاريله قاوورولمقده بولندیغنی تماشا ایتدم.


بویرلرده برجعیث عظیمه نك تموجات حیاتیله لری، عشق وهوسات مستانه لری،
کین وعداوت و آرزوی ظفرله غلیسان ایدوب ده اک صکره زمانك نفخات
آتشنا کندن یانه رق کول اولدیغنی تخطرله مفکره مک اوکندن بواقوام سالفه یه
بررسم کچید یاپدردم. کندی کندیمه دیدمکه: ایشته بوملل عظیمه و مراکز
حکومات جسمه نه اوایورلر؟ نتیجه بر قاچ جیایز نباتك نشوونماسیله اینجه دالارینه
چارپان نسیم شامك سسندن بشقه هیچ بر صدا ایشیدلمه ین طاش ییغینندن عبارت
بر مرارستان، تاریخ بوملتلرک موجودیتلرینی، انقلاباتی پایدار اوله میان جسماتلرینی
ونهایتلرینی درج، طوپراق ده هرشیئی دفن و سترایدیور، تاریخك واصل اطلاعی
اوله میان ناملری مجهول دهانجه ملتسلر، مدنیتلر مملکتلر اعماق سطح میاهده
نابید اولملردر.

ینه کندیمه صوردمکه: قوم طبقاتك لایق قطع آقهرق یرلرینه دیگرلرینك
یوارلنسنه مشابه اولان انسانلرک حرکات و تناسلات متوالیه سی، مساعی و مجادلاتی،
مشاق واضطراباتی نه ایچوندر؟ مادامکه هرشیئی فنا پذیر اولوب کیدیور،
ابدیتك دقیقه لری اوکندن بتون ملتلر کچوب کیتقشسلر هیچ برشیئی قائم دکل،
زمان هرشیئی یوتیور، محوایدیور، انسان بو آقینده بودوراندن نره یه
کیدیور؟ عدمه یاخود بر ضیای مجهوله واصل اولیور، ابدی و متبسم اولان
طبیعت انقراض سالفه یی کوز اوکندنه تجلی ایتدیریور. کائناتده هیچ برشی محو
اولماز، غیوبت تکرار کورونمک ایچوندر، قوانین اسرار انکیز خلقت بر ترتیب
لایغیردرکه تکملات خلقیه آنك تحت نظارت و ریاستنده دائمدر. بونجه آثار
عرفان و ابداعیه مظهر الهام اولان انسان عدم و نسیانه نصل محکوم اولور؟
وقتيله هربری بر معموره اولان خرابه لرك منظره حزن انکیزی بنده عمیق بر
تأثری بادی اوله رق حیاتی تقسیم ایش اولدیغ اقبالك قارشومده دوران
متروکاتی پك آجی و بارد کورددم.

سودکلر یکزدن برینه صوک دقیقه لرند کال تأثرله تقرب ایتدی ککزدن، اوتنه دن

چهره سینه آهسته بر کولكه يايلىدىغى مشاهده ايدرسىكز ، كوزلرندن ضارى ،
مهتر كيتدكه منطقي اولان برضايى خفيف لمعان ايدر ، بر دقيقه اول بوجودده
كافه احوال جوهر حياتك شاهدى ايدى . پارلايان كوزلر ، تكلم ايدن دوداقلر ،
حركت اعضا صمت وسكونه بوروندى بوجود فراش اجلده بي حركت قالدى .
ماتلى بر كچه يي باش باشه كچروبده قارشوسنده كي نغشه عطف نكاه عبرت
ايتمين ، كندى ده اورانك يولجىلرندن اولدىغى حالده بوسرى ، بو مهماني استكناه
ايتك ايسته مين هانكي انسان بولنور ؟

مهماني حياته نظر عبرتله باقديغمز حالده معنويانه قارشو لاقيد قالمامقاز وهپىزك
كچره چكى صوك دقيقه يي تأمل ايدرك موتك اضمحلال نتيجه سى آجى براستراحت
اوليوب بالاكس بشقه بر دائره احتساسته كچمك ايچون برمر اولدىغى بيلكلكمز
ايجاب ايدر . بمضلرنجه مهماني حيات پيش افكار بشرده بر جائل كچي عرض
اندام ، محن ومشايق ايسه هر درلو سعادتك فوقنده اجراي احكام ايدىيور ، ذاتا
محكوم زوال اولان ادوار حياتيه يي بيك درلو آلام زخدار ايدرك نهايتي موته
منجر اوليور . هر طرفده آوازده فلاكت كوكلره چقييور ، هستي بشر صوكي
مجهول بر طريقده بر برينه هجوم ايدىيور ، موجوديت بر مجادله دائمه دن بشقه
بر شيئه بگزميور ، شان وشرف ، ثروت ، هنر ومعارف بر كونلك سعادتن
عبارت قاليور ، موت ازهار حياتيه يي اوراق كچي بچوب يالكن صولمش ساقلرني
ترك ايدىيور ، اوت . . موت بر نقطه استغفام اوله رق دائما كوزمرك اوكنده
دورمقده وبو بابه برنجي سئوالى اسئله بي نهايت تعقيب ايتكده اولدىغنه حصر افكار
ايدرك بر مسلك فلسفي به انتساب ايدوبده هيچ بر شيئي دوشندمك موافق عقل
بولدىغنه حكم ايدىيور ايسه ده بو حكم ده بزى نوميددين تخليص ايدميور ،
زمانز بر مجهوليت مظلمه يي تنوير ايتك ايچون يهوده چالقامقده ، چالشمقده در .
مايىدى وار



[اولكى چهارشنبه كوني اقشامى تپه باشى قيشلق تياتروسنده ويريان (مسامره)]

بو مسامره ، اقدام محرر سياسي على كال بك آفنديك تياترو حقتدكي مباحثه
آديبه سى ايله باشلامشدر .